



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Linda Mariana, Sive De B. Virgine Lindensi**

**Clagius, Thomas**

**Coloniae Vbiorvm, 1659**

VII. Tertio à Regia conatu, fundus juxta sacellum Deiparae situs acquiritur.

**urn:nbn:de:hbz:466:1-11544**

Tertio à Regia conatu adiacens sacello fundus acquiritur. 279

Non potuit enim vero, non persentiscere in hisce literis *armatas*, ut vocant, *preces* Grobenius: proinde refragari, aut potius oblectari amplius non potuit, quin *Aream* pro restaurando *Deiparæ* sacrario, non tam precio per *Sadorscium* numerato, quàm serenissimorum Regum, Regiique Principis ac Procerum authoritati tandem cederet.

## C A P U T VII.

Tertio à Regia conatu, fundus juxta sacellum *Deiparæ* situs, acquiritur.

**M**Ultùm sibi videbatur *Sadorscio*, aut potius *Catholicis* omnibus tribuisse *Otto* à *Groben*, cùm *Aream*, quantumvis justo precio venditam, pro restauranda *Æde* sacra attribuit. Neque profectò, aut *Sadorscio*, aut cuiquam alteri *Catholicorum*, tenue videri poterat, quod in tantum magnæ *DEI* *Marris* cultum, ut erat, certò sperabatur cessurum. At enim, cùm istiusmodi cultus in fundo alieno, & quidem sub hero fundi à religione orthodoxa averso; omnibus *Prædicantium*, aliorumque sectariorum molitionibus, sannis, atque injuriis, non posset non esse obnoxius; multò amplius *Sadorscio*, quin & ipsi *Antistiti Rudnicio* connitendum erat, ut & fundus ipse, juxta *Aream* jam acquisitam positus, compararetur. Quapropter ad Regem *Sadorscius*, aut potius ipse *Rudnicus* supplex accedit, & literas, quæ sequuntur  
II. Non. Mart. Anno MD CXVIII, impetrat.

S

Gene



Generoso Ottoni à Groben, &c.

Sigismundus III. DEI gratiâ Rex, &c.

**G**enerose Nobis fideliter dilecte, gratissimum Nobis accidit, intellexisse, Fidelitatem tuam literis nostris requisitam, Fundum certum, LINDE nuncupatum, generoso Stephano Sadorsky Secretarionostro concessisse; atque lantati nostra, hac in parte benevolam se exhibuisse. Lantati is, multâ antiquitus hominum frequentatione, & prodigiis celebris est. Quapropter idem Secretarius noster, mandato nostro, Adem aliquam diva Virgini consecratam, in illo loco extruere proposuit. Cùm verò ob angustiâ loci, nequaquam equè commodè, ut res ipsa postularet, Devotio ibidem cultusq; divinus peragi possit; postulatam adhuc à Fidelitate tua duximus, ut ulteriorem suam Nobis testetur benevolentiam: viciniorem quæ adhuc agnoscitur, qui Fidelitati tue, parvo commodo esse potest, adjuvare velit. Erit id Nobis ita gratum, ut nihil magis, quam idem studium Fidelitatis tue, benevolentiam nostram commendandum existimemus. Cupimus interim Fidelitatem tuam benevalere. Datum Varsavia die V. Mensis Martii, Anno Domini MDCXVIII. Regnorum nostrorum, Polonia & Suecia verò XXIV.

SIGISMUNDUS REX.

Bene sit piissimis Sigismundi Regis manibus, qui ut locum, quemadmodum ipse scribit, antiquitus hominum frequentatione & prodigiis celebrem, vindicare non modò curæ & labori nulli pepercit, verùm de Regia Majestate sua plurimum se demisit. Perorat ab homine sub sua constituto potestate, pro imperio, obsequium & parendi alacritatem urgere.



ille, apud hominem sibi subiectum, propè supplex accidit, dum nihil nisi illius in te benevolentiam deprecatur, & benevolentiam iterum atque iterum postulat. Tanta nimirum in Deiparam, & lactam Deiparæ Lindam, ferebatur magnus ille Rex pietate ac religione, ut animo verè Regio, Deiparæ, & supremo in Deiparam Numini, Regiam substerneret Majestatem. Et potuisset illam tanto Regi negare benevolentiam Grobenius, quâ nullam unquam præstantiorem locupletioresve gazam vel ipse intra domum suam, vel quisquam alius reperire potuisset? Honorificentissimum protectò fuit, atque futuris erit temporibus, benevolentiam à tanto Rege, intra Grobeniorum Domum fuisse propè emendicatam; sed non minus Sigismundo maximo Regi, atque Regiæ ipsius Domui gloriosum est, atque in perpetuum semper erit, DEI ac Deiparæ causâ quædamtenus Mendicabulum induisse. Tametsi enim Sadorscius fundum illum, magno satis precio, uti oportuit, redemerit; nunquam tamen fundus ille, aut ipsa quoque Ædiculæ Lindensis Area, Sadorscio vel cuiquam obvenisset Catholicorum, nisi Rex Sigismundus Majestatem Regiam, Grobenii benevolentiam submisisset.

## CAPUT VIII.

Quarto à Regia conatu admoto, Caupona facello Lindensi adiacens, comparata.

Qui Ottonem à Groben fundo suo Lindensi

S 2

dece-